

**JAVNO KOMUNALNO PREDUZEĆE
„VODOVOD I KANALIZACIJA“D.O.O.
SANSKI MOST**

Broj: 02-01-1555-1/23

Datum: 01.11.2023. godine

Na osnovu člana 7. i člana 8. Uredbe o postupku prijema u radni odnos USK (“Sl. glasnik USK-a”, br. 7/19 i 11/19), člana 8. Pravilnika o radu JKP "Vodovod i kanalizacija" d.o.o. Sanski Most, broj 05-1078/23 od 04.08.2023. godine i Odluke o raspisivanju Javnog oglasa za prijem u radni odnos na određeno vrijeme, broj: 02-01-1555/23 od 01.11.2023. godine, v.d. direktor JKP „Vodovod i kanalizacija,, d.o.o. Sanski Most, raspisuje

**JAVNI OGLAS
za prijem u radni odnos na određeno vrijeme**

I Opis radnog mjesta:

1. Stručni saradnik za tehničke poslove
- 1 izvršilac
 - na određeno vrijeme u trajanju od 6 (šest) mjeseci

II Opis poslova radnog mjesta:

Samostalno izrađuje specifikacije za izvođenje radova, predmjere radova, troškovnike za radove, vođenje građevinskog dnevnika i građevinske knjige, izrada situacije i računa za naplatu radova i praćenje realizacije dinamičkih planova, izrađuje projektne zadatke sa prijedlogom opcija tehničkih rješenja vodosnabdjevanja, odvodnje, energetske efikasnosti vodnih objekata i postrojenja za preradu pitke vode, koordinira rad projekatanta, izvođača, nadzornog organa, nadzire izvođenje radova, učestvuje u izradi planova održavanja postrojenja vodovodnog i kanalizacionog sistema, učestvuje u izradi plana javnih nabavki, monitoringu otpadnih voda, učestvuje u izradi prostornih i regulacionih planova, učestvuje u izradi saglasnosti za priključke na vodovodnu i kanalizacionu mrežu i u izradi zapisnika za odobrenja operatora na zahtjev tražioca vodnih akata, učestvuje u izdavanju posebnih građevinskih uslova i potvrda za glavni projekat iz oblasti vodosnabdjevanja i odvodnje otpadnih voda, učestvuje u postupcima za dobijanje lokacijskih uslova, građevinskih dozvola kao i vodnih i okolinskih dozvola, učestvuje u pribavljanju dokumentacije za izdavanje dozvola za izgradnju i održavanje građevinskih objekata i izradi idejnog, glavnog i izvedbenog projekta, učestvuje u detekciji kvarova i kartiranju mreže, prati telemetrijsko mjerenje proticaja i pritisaka u DMA zonama i rezervoarima, vodnog bilansa i neprihodovane vode, učestvuje u izradi Studija utjecaja na okoliš i vode, učestvuje u izradi Studija zaštitnih zona izvorišta, pokreće postupak za izdavanje vodne saglasnosti i vodne dozvole, prati i kontrolise uslove i rokove zaštitne opreme na radu, minimalno tehničkih uslova, održavanje informacionog, telemetrijskog i SKADA automatizovanih sistema, prati organizaciju i provođenje poslova zaštite od požara, učestvuje u izradi elaborata, te programa i planova zaštite vezane za investicije i njihovo arhiviranje, popunjava godišnje statističke izvještaje, prati i primjenjuje zakone i standarde iz oblasti djelokruga rada Službe, brine se o kretanju i arhiviranju dokumentacije Službe, ostvaruje saradnju sa drugim organizacionim jedinicama u okviru preduzeća i saraduje s drugim institucijama za potrebe Službe, po potrebi mijenja šefa Odjeljena za proizvodnju vode i poslovođu Odjeljenja za distribuciju vode. Obavlja i druge poslove iz djelokruga rada Službe i po nalogu neposrednog rukovodioca.

III Mjesto obavljanja rada: Sanski Most

IV Radno vrijeme: 7:00-15:30 sati

V Opći uslovi:

- da je državljanin BiH
- da je zdravstveno sposoban za vršenje poslova radnog mjesta
- da protiv kandidata nije pokrenut krivični postupak

VI Posebni uslovi:

- Stručna sprema: VSS-VII stepen ili završeno visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS bodova, dipl.ing.građ.,
- najmanje 1 godina radnog iskustva u struci

Pod radnim iskustvom podrazumijeva se radno iskustvo stečeno na istim ili sličnim poslovima nakon sticanja stručne spreme utvrđene za konkretno radno mjesto.

VII Potrebna dokumentacija:

Kandidati su uz svojeručno potpisanu prijavu na javni oglas dužni priložiti:

- Prijava sa kraćom biografijom, adresom i kontakt telefonom;
- Uvjerenje o državljanstvu - ne starije od 6 mjeseci, (original ili ovjerena kopija);
- Diploma o završenom fakultetu; ako se dostavlja ovjerena kopija ne starija od 6 mjeseci
- Uvjerenje/Potvrda kojim se potvrđuje traženo radno iskustvo- ne starije od 6 mjeseci (original ili ovjerena kopija).

Dokumenti koji se prilažu uz prijavu rok od šest mjeseci računa se od dana objavljivanja javnog oglasa u dnevnim novinama.

Kandidat koji bude izabran, prije prijema u radni odnos, odnosno prije potpisivanja ugovora o radu dužan je dostaviti:

- Ljekarsko uvjerenje
- Uvjerenje da se ne vodi krivični postupak

Dokumenti koji se prilažu prije potpisivanja ugovora o radu moraju biti u originalu ili ovjerenj kopiji i ne smiju biti stariji od šest mjeseci od dana objavljivanja javnog oglasa u dnevnim novinama.

VII A Dodatna dokumentacija (nije obavezna/dostavljaju je samo kandidati koji istu posjeduju/ prilaganjem iste ostvaruje se prednost u zapošljavanju. Kandidati koji po posebnom zakonu imaju prioritet u zapošljavanju trebaju dostaviti i odgovarajuću dokumentaciju (rješenje, potvrda, uvjerenje i sl.) kojom se to dokazuje, te se pozvati na poseban zakon po kojem imaju prednost. Prilikom izbora imat će prednost u odnosu na istorangiranog kandidata.

Preduzeće nije obavezno vraćati dokumentaciju dostavljenu uz prijavu, osim u slučaju priložene originalne diplome.

Neblagovremene i nepotpune prijave neće se uzeti u razmatranje.

VIII Komisija za provođenje javnog oglasa će izvršiti provjeru znanja kandidata koji budi ispunjavali formalno-pravne uslove javnog oglasa u skladu sa Uredbom o postupku prijema u radni odnos USK-a i Pravilnikom o radu JKP „Vodovod i kanalizacija,, d.o.o. Sanski Most.

IX Podnošenje prijave:

Javni oglas se objavljuje u dnevnim novinama „Oslobođenje“, na internet stranici JU „Služba za zapošljavanje Unsko-sanskog kantona“ Bihać i na internet stranici JKP „Vodovod i kanalizacija,, d.o.o. Sanski Most www.vik-sm.ba i ostaje otvoren 8 (osam) dana od dana objavljivanja u dnevnim novinama „Oslobođenje“.

Prijava sa traženom dokumentacijom se dostavlja u zatvorenoj koverti lično na protokol u sjedište preduzeća ili preporučenom poštom na adresu:

**JKP „Vodovod i kanalizacija“ d.o.o. Sanski Most
Komisija za provođenje Javnog oglasa
ul. Meše Selimovića bb, Sanski Most
sa naznakom:**

„Prijava na Javni oglas (navesti naziv radnog mjesta na koje se prijavljuje)- ne otvarati“

Na poledini koverta je obavezno naznačiti ime i prezime podnosioca prijave.

X WEB –stranica: www.vik-sm.ba
c/o Šupuk Almira, tel:037/685-067

